



## Dheefta Caafimaadka Ilkaha ee Dalka Canada

# Xaashida xaqiiqda

Bololka ilkaha waa cudurka ugu badan, laakiinse laga hortagi karo, ee ka midka ah cudurrada ba'an ee ku dhaca carruurta ee dalka Canada iyo kuwa adduunka oo dhan. Cudurrada afka ku dhaca badanaaba waxay ku bilowdaan sannadaha dugsi-horaadka taasi oo ah sababta ay aad muhiim ugu tahay in sida ugu dhaqsiyaha badan ee suuragalka ah loo sameeyo hab-dhaqannada wanaagsan ee nadaafadda afka.

Dowladda Canada waxay hirgelisay Dheefta Caafimaadka Ilkaha ee **Dalka Canada** ee ku meelgaarka ah, taasi oo loo nakh-shadeeyay in ay xoogaa taageero maaliyadeed ah bixiso si loogu caawiyo qoysaska Kanadiyaanka ah in ay helaan daryeel ilko. Marka ay dheeftan helaan, qoysaska waxay bilaabi karaan in ay ka hadlaan qaar ka mid ah daryeelka ilkaha ee aasaasiga ah ee carruurta yaryar ay u baahan yihiin inta ay Dowladdu wado shaqadeeda si ay u diyaariso barnaamijka daryeelka ilkaha dadka Kanadiyaanka ah ee muddada-dheer.

### ? MAXAY TAHAY DHEEFTA?

Dheefta Caafimaadka Ilkaha Dalka Canada ee ku meelgaarka ah waxay bixisaa lacag-bixinno dhan **ilaa \$650** oo la siiyo cunug kastoo xaq u leh kaasi oo ay da'diisu ka yar tahay 12 sano jir, sannad kasta muddo laba sano ah.

### \$650

haddii dakhliga saafiga ah la iswaafajiyey ee qoyska uu ka yar yahay \$70,000

### \$390

haddii dakhliga saafiga ah la iswaafajiyey ee qoyska uu u dhaxeeyo \$70,000 iyo \$79,999

### \$260

haddii dakhliga saafiga ah la iswaafajiyey ee qoyska uu u dhaxeeyo \$80,000 iyo \$89,999

Dheefta waxaa loo adeegsan karaa daryeel kasta ee ilko ee uu bixiyo xirfadle kasta ee ka shaqeeya caafimaadka ilkaha ee nidaamsan.



### KUMAA CODSAN KARTA?

Waalidiinta/Mas'uuliyiinta:

- ✓ Haysta cunug ay da'diisu ka yar tahay 12 sano, kaasi oo aan heli karin caymiska daryeelka ilaha ee gaarka loo leeyahay.
- ✓ Dakhligooda saafiga ah ee la iswaafajiyey ee qoyska uu ka yar yahay \$90,000 sannad kasta.
- ✓ Soo gudbiyey canshuur-celinta dakhliga ee sannadkii la soo dhaafey—si aad u hesho macluumaad dheeraad ah oo ku saabsan sida loo gudbiyo canshuur-celinta, booqo [Canada.ca/doing-your-taxes](http://Canada.ca/doing-your-taxes).
- ✓ Qaata Dheefta Cunuga ee Dalka Canada ee loogu talagalay cunug kastoo xaq u leh.
- ✓ Leh ama yeellan doonna kharashaadka daryeelka ilkaha ee cunug kasta oo aan si buuxda loogu magdhowin/celin oo ah si waafaqsan barnaamij dowlad goboleed, dhuleed ama federaal.



### SIDEED U CODSAN KARTAA?

Akoonkeyga ee Hay'adda Dakhliga Canada (Canada Revenue Agency (CRA) My Account) ayaa noqon doonno habka ugu dhaqsiyaha badan, ugu fudud uguna ammaansan ee lagu codsan karo Dheefta Caafimaadka Ilkaha ee Dalka Canada. Haddii aadan weli lahayn akoonka (CRA My Account), waxaad iska diiwaangelin kartaa [Canada.ca/my-cra-account](http://Canada.ca/my-cra-account).

Waxaad u baahan doontaa in aad bixiso macluumaadka ku saabsan booqashada daryeelka ilkaha, oo ay ku jiraan magaca bixiyaha (bixiyeyaasha) daryeelka ilkaha ee cunugaaga iyo macluumaadka cidda aad u shaqeeyso.

Haddii aad barta internet-ka ka codsato oo aadna isku qorto dhigashada tooska ah ee CRA, waxaad lacag-bixintaada ku heli kartaa shan maalmood oo kuwa shaqada ah gudahooda!

Haddii aadan awoodin in aadan barta internet-ka ka codsato Dheefta Caafimaadka Ilkaha ee Dalka Canada, wac 1-800-715-8836 si aad codsigaaga u bilowdo.

Hubso in aad haysato Lambarkaaga Caymiska Bulshada, cinwaanka, taariikhda dhalashada iyo nuqulka canshuur-celinta dakhligaaga ee sannadkii la soo dhaafey.



### GOORMEED CODSAN KARTAA?

Waalidiintu waxay hadda codsan karaan daryeelka ilkaha ee cunugooda xaq u leh uu helay laga soo bilaabo 1-da Oktoobar, 2022, haddii cunugooda ay weli da'diisu ka yar tahay 12 sano marka ay taariikhdu tahay 1-da bisha Disembar. Dheefta labaad, waalidiinta waxay codsan karaan laga bilaabo 1-da Luulyo, 2023.



### KA WARAN haddii aadan akhrin ama aadan ku hadlin Af-Ingiriis ama Af-Faransiis?

Barta codsiga waxaa laga heli karaa oo keliya luuqadaha Ingiriiska iyo Faransiiska. Si kastaba ha ahaatee, haddii aad u baahan tahay in lagaa caawiyo codsiga, waxaad ka codsan kartaa qof aad saaxiibo tihii oo ku hadla luuqadda Ingiriiska ama Faransiiska in uu kula fadhiisto marka aad codsiga buuxinayso, ama ha kula joogo marka aad wacayso 1-800-715-8836.

Haddii aadan haysan saaxiib kaa caawin kara hannaanka, hay'adda CRA ayaa qabanqaabin karta in ay dib kuu soo wacdo si ay khadka u soo geliso qof ku hadla luuqadaada.

Booqo [Canada.ca/dental](http://Canada.ca/dental) si aad u hesho macluumaad dheeraad ah, ama wac 1-800-715-8836



Government  
of Canada

Gouvernement  
du Canada

Canada